



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 06-11-912-17.1/23
Sarajevo, 01.12.2023. godine

Na osnovu člana 64. stav (1) tačka b), člana 70 st. (1), (3) i (6) Zakona o javnim nabavkama („Službeni glasnik Bosne i Hercegovine“, br. 39/14 i 59/22) i člana 8. stav (2) tačka d) Pravilnika o uspostavljanju i radu komisije za nabavke („Službeni glasnik Bosne i Hercegovine“, broj 103/14), na Preporuku Komisije za nabavku, broj: 06-11-912-13.1/23 od 29.11.2023. godine, u postupku javne nabavke roba: „Gorivo za motorna vozila“, direktor Kantonalne uprave civilne zaštite Kantona Sarajevo, donosi

ODLUKU O IZBORU NAJPOVOLJNIJEG PONUĐAČA

Član 1

Prihvata se Preporuka Komisije za nabavku, broj: 06-11-912-13.1/23 od 29.11.2023. godine i Okvirni sporazum o nabavci goriva za motorna vozila, dodjeljuje se izabranom ponuđaču ALMY d.o.o. Zenica, za ponudenu cijenu od 186.277,00 KM bez PDV-a, kao najpovoljnijem ponuđaču.

Član 2.

Izabrani ponuđač je dužan da u roku od pet dana od dana zaprimanja obavještenja o rezultatima ovog postupka javne nabavke (Odluke o izboru najpovoljnijeg ponuđača), dostavi sve dokaze o kvalifikaciji (dokaze lične sposobnosti i dokaze ekonomske i finansijske sposobnosti) koji su traženi kao uslov za učešće u ovom postupku javne nabavke, ukoliko isti nisu dostavljeni uz ponudu i to na način i u formi kako je zahtijevano tenderskom dokumentacijom za predmetni postupak javne nabavke, broj: 06-11-912/23 od 11.07.2023. godine i broj: 06-11-912-5/23 od 01.08.2023. godine.

Član 3.

Prijedlog Okvirnog sporazuma o nabavci goriva za motorna vozila, dostavit će se na potpis izabranom ponuđaču u roku utvrđenim Zakonom o javnim nabavkama („Službeni glasnik Bosne i Hercegovine“, br. 39/14 i 59/22 – u daljnjem tekstu: ZJN).

Član 4.

Ova Odluka će se u skladu sa članom 70. stav (6) ZJN objaviti na web stranici Kantonalne uprave civilne zaštite Kantona Sarajevo (www.kucz.ks.gov.ba) i to istovremeno sa upućivanjem ponuđačima koji su učestvovali u postupku javne nabavke.

Član 5.

Za realizaciju ove Odluke zadužuju se Kantonalna uprava civilne zaštite Kantona Sarajevo i Ministarstvo finansija Kantona Sarajevo, da izvrši prijenos sredstava po naredbi Kantonalne uprave civilne zaštite Kantona Sarajevo, u skladu sa planom Budžeta Kantona Sarajevo.

Član 6.

Ova Odluka stupa na snagu danom donošenja i dostavit će se u skladu sa članom 71. stav (2) ZJN svim ponuđačima koji su učestvovali u postupku javne nabavke.

O b r a z l o ž e n j e

Postupak javne nabavke roba: „Gorivo za motorna vozila“, pokrenut je Odlukom o pokretanju postupka javne nabavke, broj: 06-11-912/23 od 07.07.2023. godine.

Postupak predmetne nabavke sproveden je putem otvorenog postupka javne nabavke.

Procijenjena vrijednost javne nabavke bez PDV-a je do 240.000,00 KM.

Komisija za nabavku je imenovana Odlukom, broj: 06-11-912-1/23 od 07.07.2023. godine.

Obavještenje o nabavci, broj: 282-1-1-70-3-31/23, objavljeno je dana, 11.07.2023. godine na Portalu javnih nabavki, kao i tenderska dokumentaciju za predmetni postupak javne nabavke u sistemu „E-nabavke“, dok je sažetak Obavještenja o nabavci objavljeno u „Službenom glasniku Bosne i Hercegovine“, broj 49/23, dana 14.07.2023. godine.

Izmjene tenderske dokumentacije za predmetni postupak javne nabavke, objavljene su dana 01.08.2023. godine na Portalu javnih nabavki.

Ispravka za Obavještenje o nabavci, broj: 282-1-1-70-8-48/23 objavljeno je dana 25.09.2023. godine na Portalu javnih nabavki, dok je sažetak Ispravke Obavještenja o nabavci objavljeno u „Službenom glasniku Bosne i Hercegovine“, broj 67/23, dana 29.09.2023. godine.

Komisija za nabavku dostavila je dana 01.12.2023. godine direktoru Kantonalne uprave civilne zaštite Kantona Sarajevo, Zapisnik o pregledu i ocjeni ponuda broj: 06-11-912-12.3/23 od 29.11.2023. godine, u čijem se prilogu nalazi Izvještaj o toku i završetku e-aukcije održane 06.10.2023. godine i Izvještaj o toku i završetku e-aukcije održane 27.11.2023. godine, sa Zapisnikom o ponovnom pregledu i ocjeni ponuda, broj: 06-11-912-12.2/23 od 20.10.2023. godine, Preporuku ugovornom organu, broj: 06-11-912-13.1/23 od 29.11.2023. godine i Izvještaj o provedenom postupku javne nabavke, broj: 06-11-912-14.1/23 od 29.11.2023. godine.

Na osnovu dostavljenog Izvještaja o provedenom postupku javne nabavke, utvrđeno je da je Komisija za nabavku blagovremeno i pravilno izvršila otvaranje ponuda, pregled i ocjenu prispjelih ponuda o čemu je sačinila Zapisnik sa otvaranja ponuda i Zapisnik o pregledu i ocjeni ponuda u kojima je utvrđeno slijedeće:

- Da je u predmetnom postupku primljeno pet ponuda.
- Da je blagovremeno primljeno pet ponuda.
- Da nije bilo neblagovremeno primljenih ponuda.

- Da se ponuda ponuđača GREEN OIL d.o.o. odbacuje na osnovu člana 68. stav (1) ZJN iz razloga što navedeni ponuđač nije dostavio tražene dokaze o ispunjavanju uslova ekonomske i finansijske sposobnosti iz člana 47. ZJN (nije dostavio potvrde od svih banaka kod kojih ponuđač ima aktivne račune navedene u izvještaju Centralne banke Bosne i Hercegovine da račun ponuđača nije bio blokiran u posljednjih šest mjeseci – potvrda banke o solventnosti).
- Da su u informacioni sistem E-nabavke unesene sve prihvatljive ponude i da je e-aukcija provedena u skladu sa odredbama Pravilnika o uslovima i načinu korištenja e-aukcije („Službeni glasnik Bosne i Hercegovine“, broj 66/16), putem informacionog sistema E-nabavke dana 06.10.2023. godine.
- Da je ugovorni organ na Preporuku Komisije za nabavku, broj: 06-11-912-13/23 od 06.10.2023. godine, dana 09.10.2023. godine donio Odluku o izboru najpovoljnijeg ponuđača, broj: 06-11-912-17/23, kojom se Okvirni sporazum o nabavci goriva za motorna vozila, dodjeljuje ponuđaču EOL PETROL d.o.o., kao najpovoljnijem ponuđaču, za ponuđenu cijenu od 185.700,00 KM bez PDV-a i da je navedena Odluka dostavljena svim ponuđačima koji su učestvovali u predmetnom postupku javne nabavke.
- Da su nakon prijema Odluke o izboru najpovoljnijeg ponuđača, ponuđači: ALMY d.o.o., HIFA PETROL d.o.o. i HIFA OIL d.o.o. zatražili uvid u ponude i nakon izvršenog uvida u ponude, dostavili ugovornom organu žalbu na navedenu Odluku i to: ponuđač ALMY d.o.o. dana 18.10.2023. godine; ponuđač HIFA OIL d.o.o. dana 19.10.2023. godine i ponuđač HIFA PETROL d.o.o. dana 20.10.2023. godine.
- Da je nakon ponovnog pregleda i ocjene ponuda svih ponuđača koji su učestvovali na e-aukciji, održanoj dana 06.10.2023. godine (HIFA PETROL d.o.o., HIFA OIL d.o.o., ALMY d.o.o. i EOL PETROL d.o.o.), Komisija utvrdila da ponude ponuđača EOL PETROL d.o.o. i HIFA OIL d.o.o. nisu kvalifikovane, neprihvatljive su i nepravilne iz razloga što navedeni ponuđači nisu dostavili sve dokaze tražene tenderskom dokumentacijom i njenim izmjenama i to:
 - Ponuđač EOL PETROL d.o.o. nije dostavio dokaze o ispunjavanju uslova ekonomske i finansijske sposobnosti iz član 47. ZJN (nije dostavio potvrde od svih banaka kod kojih ponuđač ima aktivne račune navedene u izvještaju Centralne banke Bosne i Hercegovine da račun ponuđača nije bio blokiran u posljednjih šest mjeseci – potvrda banke o solventnosti), kao i dokaze o ispunjavanju uslova tehničke i profesionalne sposobnosti iz član 49. ZJN (nije dostavio Uvjerenje/Potvrda o usklađenosti kvaliteta tečnih goriva izdato od strane nadležnog organa sa benzinske stanice sa koje je dostavljen OPC obrazac, odnosno sa iste benzinske stanice sa koje se dostavlja gorivo), te da Obrazac za cijenu ponude Aneks 1 nije dostavio na propisan način (u Obrascu za cijenu ponude u tački 3. drugi stav popust koji dajemo na cijenu ponuđač ispravljao zadnje dvije decimale, tako da te ispravke nisu vidljive potvrđene potpisom ponuđača i sa datumom izvršene ispravke), pa se iz navedenih razloga ponuda ponuđača EOL PETROL d.o.o. odbacuje na osnovu člana 68. st (1) i (4) tačka i) ZJN.
 - Ponuđač HIFA OIL d.o.o. nije dostavio dokaze o ispunjavanju uslova ekonomske i finansijske sposobnosti iz član 47. ZJN (nije dostavio potvrde od svih banaka kod kojih ponuđač ima aktivne račune navedene u izvještaju Centralne banke Bosne i Hercegovine da račun ponuđača nije bio blokiran u posljednjih šest mjeseci – potvrda banke o solventnosti), pa se iz navedenog razloga ponuda ponuđača HIFA OIL d.o.o. odbacuje na osnovu člana 68. st (1) ZJN.

- Da je je nakon ponovnog pregleda i ocjene svih ponuda, Komisija utvrdila da ponuđe ponuđača ALMY d.o.o. i HIFA PETROL d.o.o., ispunjavaju sve zahtjeve u pogledu opisa predmeta nabavke i tehničkih specifikacija, traženih tenderskom dokumentacijom i njenim izmjenama.
- Da je nakon ponovnog pregleda i ocjene ponuda svih ponuđača, koji su učestvovali na e-aukciji (HIFA PETROL d.o.o., HIFA OIL d.o.o., ALMY d.o.o. i EOL PETROL d.o.o.), održanoj dana 06.10.2023. godine, ugovorni organ:
 - Dana 23.10.2023. godine donio Rješenje, broj: 06-11-912-28/23, kojim su djelimično usvojene žalbe ponuđača ALMY d.o.o. Zenica i HIFA – OIL d.o.o. Tešanj uložene na Odluku o izboru najpovoljnijeg ponuđača, broj: 06-11-912-17/23 od 09.10.2023. godine, da se stavlja van snage Odluka o izboru najpovoljnijeg ponuđača, broj: 06-11-912-17/23 od 09.10.2023. godine i da se određuje da će se nakon pravosnažnosti Rješenja, u skladu sa odredbama ZJN i podzakonskim aktima nastaviti predmetni postupak javne nabavke.
 - Dana 23.10.2023. godine donio Zaključak, broj: 06-11-912-28/23, kojim se žalba ponuđača HIFA PETROL d.o.o. Sarajevo, izjavljena protiv Odluke o izboru najpovoljnijeg ponuđača broj: 06-11-912-17/23 od 09.10.2023. godine u predmetnom postupku javne nabavke, odbacuje u cijelosti kao neblagovremena iz razloga što ista nije dostavljena u roku propisanim ZJN (krajnji rok za podnošenje žalbe je bio 19.10.2023, a ista je dostavljena 20.10.2023. godine).

Nakon što su Rješenje, broj: 06-11-912-28/23 i Zaključak, broj: 06-11-912-28/23 postali pravosnažni, ugovorni organ je nastavio predmetni postupak javne nabavke u skladu sa odredbama ZJN i podzakonskim aktima (9. novembra 2023. godine Agenciji za javne nabavke dostavio zahtjev za poništenje e-aukcije održane 06.10.2023. godine, a 24. novembra 2023. godine Agenciji za javne nabavke dostavio dopunu zahtjeva za poništenje e-aukcije održane 06.10.2023. godine i zakazivanje nove e-aukcije).

S tim u vezi, Agencija za javne nabavke je dana 24.11.2023. godine obavijestila ugovorni organ da se radi o opravdanom slučaju, te da se udovoljava zahtjevu za ponovno zakazivanje e-aukcije u predmetnom postupku javne nabavke i zakazala je ponovnu e-aukciju za ponedjeljak 27.11.2023. godine u 10:00 sati.

Ponovna e-aukcija je održana dana 27.11.2023. godine u zakazanom terminu u skladu sa odredbama Pravilnika o uslovima i načinu korištenja e-aukcije. Po okončanoj e-aukciji, utvrđeno je iz Izvještaja o toku i završetku e-aukcije, da je ponuđač ALMY d.o.o. Zenica podnio konačnu cijenu ponude u iznosu od 186.277,00 KM bez PDV-a, dok je ponuđač HIFA PETROL d.o.o. Sarajevo podnio konačnu cijenu ponude u iznosu od 186.477,00 KM.

Shodno navedenom, utvrđeno je da je izabrani ponuđač ALMY d.o.o. Zenica najpovoljniji, jer je njegova ponuda u ukupnom iznosu od 186.277,00 KM bez PDV-a, prema kriteriju za izbor (najniža cijena) rangirana na prvom mjestu i ispunjava sve uslove zadane u tenderskoj dokumentaciji.

U postupku donošenja ove Odluke, posebno su cijenjene činjenice da je Komisija za nabavke u skladu sa kriterijima iz tenderske dokumentacije, pravilno i u potpunosti izvršila ocjenu kvalifikovanosti ponuđača, kao i pregled i ocjenu ponuda.

U postupku ocjene provedenog postupka predmetne nabavke, rukovodilac ugovornog organa nije našao razloge nepravilnosti niti propuste u radu, koje bi eventualno bilo osnov za neprihvatanje Preporuke Komisije za nabavku.

Naime, u postupku je ocijenjeno da je Komisija za nabavku u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama, podzakonskim i općim aktima, tenderskom dokumentacijom i provedenom e-aukcijom.

Iz navedenih razloga, primjenom člana 64. stav (1) tačka b), člana 70 st. (1), (3) i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu komisije za nabavke, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba najkasnije u roku od 10 dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa, kao prvostepenog organa i to na način propisan odredbama člana 99. Zakona o javnim nabavkama.

Ugovorni organ će postupati po žalbi na način propisan odredbama člana 100. Zakona o javnim nabavkama.



Dostavljeno:

- Svim ponuđačima
- Sektor za materijalno-finansijske poslove KUCZ KS
- Ministarstvu finansija Kantona Sarajevu
- a/a

